



## შპს სულხან-საბა ორბელიანის

უნივერსიტეტი

თბილისი

26 აპრილი 2024 წ.

### ბრძანება № 63-24

#### აკადემიური თანამდებობის დასაკავებლად ღია კონკურსის გამოცხადების შესახებ

უნივერსიტეტის დებულების მე-8 მუხლის მე-5 პუნქტის 5.2 და 5.19 ქვეპუნქტებით რექტორისათვის მინიჭებული უფლებამოსილების ფარგლებში (დებულება განახლებული რედაქციით დამტკიცებული აკადემიური საბჭოს 2023 წლის 20 ოქტომბრის №05-23 საოქმო გადაწყვეტილებით), „აკადემიური თანამდებობის დასაკავებლად კონკურსის ჩატარების დებულების“ მე-5 მუხლის 5.2 და 5.3 პუნქტების, მე-8 მუხლის 8.2.1 ქვეპუნქტის, მე-9 მუხლის 9.2; 9.3; 9.4; 9.5; და 9.10 პუნქტების შესაბამისად (დებულება განახლებული რედაქციით დამტკიცებული უნივერსიტეტის აკადემიური საბჭოს მიერ 2022 წლის 21 დეკემბრის №09-22 საოქმო გადაწყვეტილებით), „უმალესი განათლების შესახებ“ 2004 წლის 21 დეკემბრის საქართველოს კანონის 32-ე, 33-ე, 34-ე და 35-ე მუხლების, „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ 2020 წლის 17 მარტის საქართველოს კანონის მე-7 მუხლის, უნივერსიტეტში სასწავლო პროცესის კვალიფიციური კადრებით წარმართვის უზრუნველსაყოფად, სოციალურ მეცნიერებათა ფაკულტეტის დეკანის შუამდგომლობის (10.04.2024; N69), სამართლის ფაკულტეტის დეკანის შუამდგომლობის (10.04.24; N67), თეოლოგიის ფაკულტეტის დეკანის შუამდგომლობის (10.04.24; N68) საფუძველზე,

#### ვბრძანებ:

- 2024 წლის 26 აპრილიდან გამოცხადდეს ღია კონკურსი აკადემიური თანამდებობების დასაკავებლად:
  - სოციალურ მეცნიერებათა ფაკულტეტზე შემდეგ სპეციალობაზე:  
ასოცირებული პროფესორი პოლიტიკის მეცნიერების მიმართულებით - 1 ვაკანტური ადგილი (აფილირების პირობით);
  - სამართლის ფაკულტეტზე შემდეგ სპეციალობებზე:
    - ასოცირებული პროფესორი საჯარო სამართლისა და სამართლის თეორიის მიმართულებით - 1 ვაკანტური ადგილი (აფილირების პირობით);

2.2. ასოცირებული პროფესორი კერძო სამართლის (საკორპორაციო სამართლის) მიმართულებით - 1 ვაკანტური ადგილი (აფილირების პირობით);

2.3. ასოცირებული პროფესორი კერძო სამართლის (შრომისა და მომხმარებელთა უფლებების დაცვის სამართლის) მიმართულებით - 1 ვაკანტური ადგილი (აფილირების პირობით);

3. თეოლოგიის ფაკულტეტზე შემდეგ სპეციალობაზე:

3.1. ასოცირებული პროფესორი ქრისტიანული ევროპული ლიტერატურის მიმართულებით - 1 ვაკანტური ადგილი;

3.2. ასისტენტ-პროფესორი პატერიკული თეოლოგიის მიმართულებით - 1 ვაკანტური ადგილი (აფილირების პირობით).

2. თუ კანდიდატი ვერ დააკმაყოფილებს გამოცხადებულ მოთხოვნებს ის ვერ აირჩევა აკადემიურ თანამდებობაზე.

3. აკადემიურ თანამდებობაზე ასარჩევად დადგენილ ძირითად მოთხოვნებად და შეფასების კრიტერიუმებად განისაზღვროს:

ა) ძირითადი კრიტერიუმი:

- ასოცირებული პროფესორის აკადემიურ თანამდებობაზე შეიძლება არჩეულ იქნეს დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს სამეცნიერო-პედაგოგიური მუშაობის არანაკლებ 3 წლის გამოცდილება და რომელიც აკმაყოფილებს ამ ბრძანებით განსაზღვრულ დამატებით მოთხოვნებს;
- ასისტენტ-პროფესორის აკადემიურ თანამდებობაზე შეიძლება არჩეულ იქნეს დოქტორის ან მასთან გათანაბრებული აკადემიური ხარისხის მქონე პირი, რომელიც აკმაყოფილებს ამ ბრძანებით განსაზღვრულ დამატებით მოთხოვნებს.

ბ) დამატებითი კრიტერიუმები:

- სასწავლო კურსის სილაბუსი;
- ბოლო 5 წლის განმავლობაში გამოქვეყნებული სამეცნიერო ნაშრომები/პუბლიკაციები;
- საერთაშორისო გამოქვეყნებები;
- გასაუბრება;
- საჩვენებელი ლექცია/სასწავლო კურსის პრეზენტაცია;

4. კონკურსანტი უნდა აკმაყოფილებდეს შესაბამისი აკადემიური თანამდებობისათვის საქართველოს კანონმდებლობით დადგენილ მოთხოვნებს და წარმოადგინოს:

ა) განცხადება საკონკურსო კომისიის სახელზე;

ბ) პირადობის დამადასტურებელი დოკუმენტის (პირადობის მოწმობა) ასლი (უცხო ქვეყნის მოქალაქეობის შემთხვევაში - პასპორტის/პირადობის მოწმობის ასლი და სანოტარო წესით დამოწმებული თარგმანი);

გ) ფოტოსურათი (დაბეჭდილი 3x4 -ზე, ელექტრონული - CD მატარებელზე);

დ) ავტობიოგრაფია (CV) შევსებული ამ ბრძანების დანართი #1-ის შესაბამისად;

ე) ბოლო 5 წლის განმავლობაში გამოქვეყნებული სამეცნიერო ნაშრომების/პუბლიკაციების სია;

ვ) დოქტორის ან მასთან გათანაბრებული აკადემიური ხარისხის; მაგისტრის ან მასთან გათანაბრებული აკადემიური ხარისხისა და ბაკალავრის ან მასთან გათანაბრებული აკადემიური ხარისხის დამადასტურებელი დოკუმენტები;

ზ) სამეცნიერო პედაგოგიური გამოცდილების დამადასტურებელი დოკუმენტის ასლი.

შენიშვნა: უცხოეთში მიღებული განათლების/კვალიფიკაციის დამადასტურებელი დოკუმენტის შემთხვევაში ასევე წარსადგენია ნოტარიულად დამოწმებული ქართულენოვანი თარგმანი და სსიპ - განათლების ხარისხის განვითარების ეროვნული ცენტრის მიერ გაცემული უცხოეთში მიღებული განათლების აღიარების დოკუმენტი.

თ) ცნობა „სქესობრივი თავისუფლებისა და ხელშეუხებლობის წინააღმდეგ მიმართულ

დანაშაულის ჩადენისთვის ნასამართლობის შესახებ“;

ი) ცნობა „უფლების ჩამორთმევის შესახებ“ .

შენიშვნა: უმაღლეს საგანმანათლებლო დაწესებულებაში არ შეიძლება დასაქმდეს „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისათვის ნასამართლევი პირი ან/და პირი, რომელსაც იმავე კანონის საფუძველზე სასამართლომ ჩამოართვა საგანმანათლებლო დაწესებულებაში საქმიანობის უფლება. უნივერსიტეტი ვალდებულია პირისათვის შესაბამისი საქმიანობის განხორციელების უფლების მინიჭებამდე მოსთხოვოს მას წარმოადგინოს:

5. ასოცირებული პროფესორი აკადემიურ თანამდებობაზე აირჩევა 6 წლის ვადით;
6. ასისტენტ-პროფესორი აკადემიურ თანამდებობაზე აირჩევა 4 (ოთხი) წლის ვადით;
7. ამ ბრძანების პირველი პუნქტით განსაზღვრულ ვაკანსიაზე წარმოსადგენია შესაბამისი დარგის სასწავლო კურსის სილაბუსი.
8. დასაქმებულის შრომის ანაზღაურების ოდენობა და გაცემის წესი დადგინდეს შესარჩევ კანდიდატთან დამატებითი შეთანხმებით.
9. კონკურსთან დაკავშირებით დაინტერესებული პირებისათვის ინფორმაციის მიწოდებაზე პასუხისმგებელ პირად განისაზღვროს უნივერსიტეტის საქმისწარმოების მენეჯერი (ციცინო ხითარიშვილი), ტელ.: 577347700, ელექტრონული ფოსტა [info@sabauni.edu.ge](mailto:info@sabauni.edu.ge).
10. საბუთების მიღება განხორციელდეს 2024 წლის 27 მაისიდან 28 მაისის ჩათვლით ელექტრონულ ფოსტაზე [info@sabauni.edu.ge](mailto:info@sabauni.edu.ge). დოკუმენტაციის მიღებაზე პასუხისმგებელ პირად განისაზღვროს ციცილო ხითარიშვილი, ტელ.: 577347700.
11. საკონკურსო კომისიამ მუშაობა განახორციელოს 2024 წლის 30 მაისის ჩათვლით.

13. კონკურსის შედეგები გამოცხადდეს 2024 წლის ოთხი ივნისამდე. კონკურსის შედეგები კანდიდატებს ეცნობოთ პერსონალური ელექტრონული ფოსტის მისამართზე შეტყობინების გაგზავნით.
14. ინფორმაცია კონკურსის შესახებ განთავსდება შპს „სულხან-საბა ორბელიანის უნივერსიტეტის“ ოფიციალურ ვებ-გვერდზე ([www.sabauni.edu.ge](http://www.sabauni.edu.ge)), დასაქმების განცხადებების ცნობად ვებ-გვერდ(ებ)ზე ([www.hr.ge](http://www.hr.ge) ან/და [www.jobs.ge](http://www.jobs.ge) ან/და [www.gancxadebebi.ge](http://www.gancxadebebi.ge) ).
15. ბრძანება ძალაშია ოფიციალური წესით გამოქვეყნებისთანავე.

რექტორი

  


აკაკი ჭელიძე



### საკონტაქტო ინფორმაცია

---

სახელი, გვარი:

მისამართი:

ტელეფონი:

მეილი:

### განათლება

---

აღწერა	თარიღები (ქრონოლოგიურად ახლიდან - ძველისკენ)

### პედაგოგიური გამოცდილება

---

აღწერა	თარიღები (ქრონოლოგიურად ახლიდან - ძველისკენ)

### სამუშაო გამოცდილება

---

აღწერა	თარიღები (ქრონოლოგიურად ახლიდან - ძველისკენ)




### კონფერენციები

---

აღწერა	თარიღები (ქრონოლოგიურად ახლიდან - ძველისკენ)

### სემინარები და ტრენინგები

---

აღწერა	თარიღები (ქრონოლოგიურად ახლიდან - ძველისკენ)

### გრანტები და სტიპენდიები

---

აღწერა	თარიღები (ქრონოლოგიურად ახლიდან - ძველისკენ)

### პროფესიული საზოგადოების წევრობა





<b>თარგმანები</b>					